



MEDIDAS DE ACTUACIÓN

26/06/2021

1. **XORNADA DE MAÑÁ:** Campionato Xunta de Galicia Sub14 en Pista ao Aire Libre 2021
2. **XORNADA DE TARDE:** Campionato Xunta de Galicia de Clubs Máster

Data de celebración: Sábado 26 de xuño de 2021, Pistas Municipais de Atletismo de Balaidos (Vigo)

Organizadores e obxectivos.

A Federación Galega de Atletismo en colaboración cos clubs do area da delegación de Vigo e o Comité Galego de Xuíces, organizará os Campionato de Galicia da Categoría Sub 14 e o Campionato de Galicia de Clubs Máster seguindo có obxectivo de promover a actividade deportiva e competitiva dos/as atletas máis cativos/as nas categorías Sub 14 e as de maior idade como é o caso dos Máster.

Data e instalación.

Os Campionatos terán lugar o vindeiro sábado 26 de xuño de xuño a partires das 10:00 horas nas Pistas Municipais de Atletismo de Balaidos (Vigo)

Control técnico da proba e cronometraxe.

As competicións estarán controladas polo Comité Galego de Xuíces da Federación Galega de Atletismo e formará parte do seu calendario oficial. Haberá cronometraxe eléctrica e todo o reflectido no presente regulamento rexerese polas normas vixentes da FGA, RFEA e WA. Estarán supervisadas polo Coordinador COVID e o persoal COVID da FGA.

Os límites de participación serán os establecidos segundo o protocolo da FGA aprobado pola Secretaría Xeral para o Deporte recollidos no Protocolo da Federación Galega de Atletismo para a práctica do Atletismo – Fisicovid-DXT Galego

Servizos médicos e outros servizos.

A proba disporá de servizos médicos regulamentarios, así como de ambulancia asistencial. Todos os atletas participantes estarán cubertos por un Seguro Deportivo de Accidentes da Federación Galega de Atletismo e o evento estará cuberto polo seguro de Responsabilidade Civil da FGA.



Reclamacións.

Todas as reclamacións deberán facerse verbalmente ao xuíz árbitro da competición, non máis tarde de 30 minutos despois da publicación dos resultados oficiais.

ACCESO ATLETAS E RECOLLIDA DE DORSAIS

Os/as atletas poderán acceder á instalación polos puntos indicados no mapa da instalación, unha vez finalizada a súa participación, deberán abandonar a instalación o antes posible. No caso dos atletas máster poderán agardar a finalización coa entrega dos trofeos. Os/as Delegados/as de cada club recollerán os dorsais na Secretaría de Competición.

É obrigatorio entregar, no momento de acceder á instalación, a folia de Declaración Responsable, dispoñible na web atletismo.gal, debidamente cumprimentada e asinada. Aos atletas neste punto seralles tomada a temperatura, a cal non poderá superar os 37,5°.

PROTOCOLO DE SEGURIDADE COVID-19.

ACCESO Á INSTALACIÓN.

O acceso a instalación realizarase pola entrada principal das Pistas Municipais de Atletismo de Balaidos, mantendo a distancia de seguridade de 1,5 metros entre persoas e seguindo a sinalización. Realizarase control de temperatura a todas as persoas que accedan á instalación. Non se permite o acceso ás familias e o público en xeral.

Autorizarase o acceso á instalación, unicamente, os/as atletas participantes, xuíces e persoal de organización. Permitirase o acceso a fotógrafos e redactores de medios de comunicación debidamente acreditados. Poderá acreditarse unha persoa representante por Club (delegado/a ou adestrador/a con licencia en vigor); se os participantes dunha mesma entidade son entre 10 e 20 atletas permitirase 1 delegado e 1 adestrador; entre 21 e 30, 1 delegado e 2 adestradores; entre 31 e 40, 1 delegado e 3 adestradores; máis de 41 atletas, 1 delegado e 5 adestradores. Unha vez rematada a súa función prégase que atletas e persoal responsable abandonen a instalación. Poderán solicitar cadansúa acreditación na web atletismo.gal

Soamente se poderá estar na grada ou nas zonas sinaladas; na grada, estarase sempre sentado, coa máscara posta correctamente e non se poderán mover do seu sitio, salvo causa xustificada. Haberá persoal da organización para controlar estas indicacións.



USO OBRIGATORIO DE MÁSCARA E MEDIDAS HIXIÉNICAS.

É obrigatorio a utilización da máscara hixiénica ou cirúrxica de forma correcta, tapando nariz e boca, a excepción dos atletas que estean competindo, segundo o estipulado no Protocolo da FGA. Haberá máscaras e xel hidro-alcohólico na zona de acceso á instalación, na Secretaría, na Cámara de Chamadas, e nas zonas que requiran os xuíces para o seu cometido. Haberá produto hixienizante para os tacos de saída das carreiras e para as zonas de concurso que o requiran (artefactos).

VESTIARIOS.

Os vestiarios permanecerán pechados e só se permitirá o acceso ós aseos a disposición dos/as atletas, segundo as indicacións do propietario da instalación respectando as medidas de distanciamento e de hixiene.

ZONA DE QUECEMENTO.

Os/as atletas poderán facer uso da zona de quecemento. O quecemento deberá realizarse de xeito individual, con máscara e gardando a distancia de seguridade respecto aos demais atletas. Está prohibido quentar correndo arredor da pista.

CARREIRAS.

Nas carreiras, as máscaras hixiénicas coas que se entre na zona de competición serán depositadas nun cesto e ó rematar a carreira a organización daralles unas novas. No caso de abandono sen concluír a proba, o/a atleta en cuestión deberá achegarse á zona de meta para que lle sexa entregada unha máscara.

COORDINADOR DE PROTOCOLO FISICOVID-DXT GALEGO.

A organización estará a disposición do Coordinador FISICOVID-DXT GALEGO nomeado pola FGA para que en todo momento se sigan as medidas sanitarias adecuadas. As indicacións do Coordinador FISICOVID-DXT GALEGO son de obrigado cumprimento para todas as persoas presentes na instalación.

A entrega de medais na categoría Sub 14 realizarase segundo finalicen a participación nas súas probas coa publicación dos resultados na páxina da FGA, A entrega dos trofeos aos clubs máster seralles entregado unicamente a un atleta representante dos equipos gañadores ao finalizar a competición.

NORMATIVA

A competición desenvolverase segundo o Protocolo FISICOVID – DXT GALEGO da FGA e aprobado pola Secretaría Xeral para o Deporte da Xunta de Galicia. O incumprimento destas normas pñerase en coñecemento da autoridade ou organismo competente por se pode ser constitutivo dun delito, situación disciplinaria ou sanción. Achégase o [ligazón do Protocolo FGA](#) aprobado pola Secretaría Xeral para o Deporte o 9 de xuño de 2021, na súa última actualización.



Esta proba pertence ao Calendario Oficial da Federación Galega de Atletismo e mediante a súa inscrición o atleta consinte expresamente que os seus datos básicos sexan cedidos a esta entidade para a tramitación, ante a compañía de seguros, dos seguros obrigatorios de accidentes e Responsabilidade Civil así coma a xestión da licenza de día e o Ranking Galego de Pista ao Aire Libre. En todo caso e tal como establece a lei de Protección de Datos, o interesado pode exercer no futuro os seus dereitos de acceso, rectificación, cancelación e oposición mediante escrito ou correo electrónico á Federación Galega de Atletismo. Avda. de Glasgow 13 – 15008. A Coruña.

